

Referencia para *Ni chigaca lu reunión* *Xhiiña' Dios ne modo nabáinu*

5-11 DE AGOSTO

CA TESORO ZEEDA LU BIBLIA | 2 TIMOTEO 1-4

«Bidii Dios laanu espíritu santu, cadí para guni laanu namuxe'»

w09 15/5 yaza 15 párr. 9

Laatu, caní nahuiini', naquiiñe' gusihiúnnitu caniisitu lu stiidxa' Dios

⁹ Pablu gudxi Timoteu ca diidxa' ri' para gacané laabe: «Bidii Dios laanu Espíritu sti', cadí para guni laanu namuxe', sínuque para udii stipa laanu udxí' lú nu, ne acané laanu ganaxhii nu binni, *ne cu' xpiaani nu*» (2 Tim. 1:7). Rushiinni binni nuu xpiaani' ora riene ne ora riní' ique ante guni xiixa. Pa gúnilu' zacá la? zacaneni líi gánnalu' gudxiilulu' ca guendana-gana gápalu' neca nabé feu caní. Nuú caadxi hambrehuiini' ne dxaapahuiini' qué gánnaca' ximodo gudxiiluca' ca guendanagana nápacá' ne pur nga ruxooñelucá' de laacani ne nisi ma' néxheca' o ma' cayuuyaca' televisión, rigú'bacá' guixi, rixúdxica', ríeca' saa, o riuuneca' ni cadí xheelaca' purti' naca' zacá zusiaandaca' ca guendanagana stica'. Peru Stiidxa' Dios cayabi laanu «usaana nu irá ni bini nu dxi ca'ru gunibiá' nu laabe, ne irá ni riula'dxi binni guidxilayú guni, ti ma cadí ibani nu ndaani guidxilayú ri modo na ique nu, sínuque modo riula'dxi be» (Tito 2:12).

w03-S 1/3 yaza 9 párr. 7

Gácanu nadxibalú ne nadipa'

⁷ Apóstol Pablo bicaa ra nuu Timoteo: «Bidii Dios laanu Espíritu sti', cadí para guni laanu namuxe', sínuque para udii stipa laanu [...]. Nga runi cayabe líi güi lu stiidxa Señor sin idxi'bu ne cadí ituí lú lu» (2 Timoteo 1:7, 8; Marcos 8:38). Ora guidú'ndanu ca diidxa' ri' galán pa guinabadiidxanu laca laanu: «¿Ñee rituí lua' guinié' ni rune' cré la? o naca' nadxibalú?

¿Ñee rabe' ca compañeru de dxiiña' stinne' o de ra scuela naca' testigu sti' Jiobá la? o rucaa-che' ni? ¿Ñee rune' sentir feu purti' si naca' gadxé la? o ruuya' ti ndaaya' nga gaca' xhamigua' Dios?». Pa tuuxa ridxibi guni predicar ca noticia galán o ridxibi gúnicabe menu laa, galán guietenala'dxi' conseju ni bidii Jiobá Josué: «Guca nadxibalú ne nadipa'». Qué chu' dxi gusiá'ndanu jma risaca nga ni guini' ique Jiobá ne Jesús de laanu que ni guini' ique ca compañeru de dxiiña' o de ra scuela stinu (Gá-latas 1:10).

Guyúbinu ca perla ni ga'chi'

w17.07 yaza 10 párr. 13

Guyúbinu ca cosa ni dxandí' risaca

¹³ Sti hombre bisihuinni napa fe nga Timoteo. Pablo ná nácabe «soldadu cha'hui sti Jesucristu» ne despué gudxi laabe: «Qué zanda gaca tuuxa soldadu ne gapa sti dxiiña tobi si tiru, purti naquiiñe guiaana be para guni be irá ni na xaíque stibe» (2 Tim. 2:3, 4). Tiempo ri', ca xpinni Jesús rúnica' stipa pur chinándaca' príncipiu ri'. Ládecabe nuu jma de ti millón de siervu de tiempo completu. Ca xpinni Cristu rucaanaca' ca anunciu sti' caní cadoo, ne ca cosa nuu gaxha de laaca' ne qué riaanda' laaca' «ni riguiiñe' raca esclavu sti' binni ni rutiiñe' laa» (Prov. 22:7). Racala'dxi' Binidxaba' gunítinu tiempo ne stipa stinu ra gácanu esclavu sti' sistema comercial de yanna ri'. Nuú tu laa riguiiñe' stale bueltu xiixa bancu para sí' ti yoo, ti carru, quixe saca ti carrera ra universidad o dede para guni ti guendaxheela' né stale lujú. Pa qué gápanu cuidadu né ca decisión ni guicaanu la? zándaca stale iza zuzá'binu. Pa guluinu nácanu binni nuu xpiaani', zabaninenu bia' nápasinu ne qué zacaanu sti' binni para guzá'binu ne qué zúninu stale gastu. Zacá zácanu libre para gácanu esclavu sti' Dios, cadí sti' sistema comercial (1 Tim. 6:10).

w14 15/7 yaza 14 párr. 10

Ca xpinni Jiobá rixéleca' de guirá' ni cadi jneza

¹⁰ Ca dxi ri', qué rihuinnipe' apóstata lade ca binni ridagulisaa. Peru ora guidxaaganu tuuxa ni cusiidi' ni cadi zeeda lu Biblia, neca tutiica laa, cadi lica naquiiñe' guca'diáganu cani caní'. Cadi jneza di' tinde diidxanenu ca binni ca, o gábinu laaca' xiixa pur Internet o gúni-nu ni de sti modo. Neca racalá'dxinu gacanenu laacabe, pa gúninu ni la? cusihuinninu cadi zinándanu conseju ni bidú'ndanu ca. Ca xpinni Jiobá qué lica rucaadiáganu ni rusiidi' ca apóstata.

12-18 DE AGOSTO

CA TESORO ZEEDA LU BIBLIA | TITO 1 HASTA FILEMÓN

«Modo ribícabe ca hermanu ni gaca ancianu»

w14 15/11 yaza 28, 29

Ni rinabadiidxa' cani ruunda'

Neca qué rusiene chaahui' Biblia ximodo gulícabe ca hombre ri', neni caadxi cosa ni rusihuinni ximodo bí'nicabe ni. Biblia na ora bibigueta' Pablu ne Bernabé de primé viaje bí'nica' casi misioneru, «*ulí cabe caadxi hermanu para sa niru lú ca xcaadxi*, ne ulee lá cabe laaca hermanu gola. Biaana cabe sin ño cabe ne uní' né cabe Dios, ne óraque udixhe cabe irá ca lu ná Señor ni runi cre ca'» (Hech. 14: 23). Chupa chonna iza despué, Pablu bicaa ca diidxa' ri' ra nuu Tito, sti xpinni Cristu ni yeganna ca binni ridagulisaa: «Bisaana lii lu isla Creta para unduuxe lu dxiiña bizulú nu, ne irá guidxi *cui lu ti hermanu gola*, quixhe lu laa sa niru lú ca xpinni Cristu ni nuu ndaani guidxi que, casi bisiide lii gu'nu ni» (Tito 1:5). Ne rulu' si ngaca bi'ni' Timoteu, laa nabé guzané Pablu (1 Tim. 5:22). Racá ridú'yanu, ca binnigola ni yeganna ca neza binni ridagulisaa que nga gulica' cani gaca binnigola ne siervu ministerial,

ne cadi ca apóstol ne ca binnigola de Jerusalén.

Cumu ma' bidú'yanu ximodo nga gulícabe ca binnigola ne ca siervu ministerial dxiqué la? nga runi Grupu ni Zaniru' sti' ca testigu sti' Jiobá ma' bichaaca' modo ribica' ca hombre ri'. Ra biu'nu 1 sti' septiembre 2014 ma' sicari' nga rácani: cada tobi de ca binnigola ni riganna ca neza binni ridagulisaa ruuya' chaahuica' xi gabi ca binnigola ni nuu lu circuito stica' laaca' de tuu nga cani zanda gaca binnigola ne siervu ministerial. Ora rigánnacabe ca neza binni ridagulisaa ri', rúnicabe stipa pur gunibiá'cabe cani zanda gaca binnigola ne siervu ministerial, ne ora randa, rucheecenécabe laaca' diidxa'. Despué de guuyanebe grupu de binnigola tu laa zanda gucaa guenda ri', binnigola ni riganna ca binni ridagulisaa ca nga napa dxiiña' de guiní' tuu nga zanda gaca binnigola o siervu ministerial ndaani' ca neza binni ridagulisaa ni nuu lu circuito sti'. Ne zacá rúnicabe cástica bi'ni' ca xpinni Cristu lu primé siglu.

Tuu nga cani runi cada tobi de ca dxiiña' ri' ya'. Cástica dxiqué «mozo ni nuu xpiaani ne ni runi jneza» nga ni rudii ni caquiiñe' ca domésticu (Mat. 24:45-47). Racané espíritu santu laacabe para guyúbicabe lu Stiidxa' Dios ni gacané laacabe para quixhe chaahuicabe ca dxiiña' ni raca ndaani' ca neza binni ridagulisaa ni nuu lu guidubi Guidxilayú, de racá riní'cabe ximodo naquiiñe' gaca cani. Grupu ni Zaniru' ri', laca laa nga ribí guirá' ca binnigola ni riganna ca binni ridagulisaa ne cani nuu lu Grupu ni Ruuya' Modo Raca Dxiiña' Betel. Ne cada Betel racané ca xpinni Cristu para gúnica' guirá' ni na Grupu ni Zaniru'. Ca grupu de binnigola nga naquiiñe' guuya' chaahuica' pa cayuni tuuxa xpinni Cristu ni na Biblia para ganda gaca binnigola o siervu ministerial. Ne último, ca binnigola ni riganna ca neza binni ridagulisaa rúnica' ti oración para gacané laaca' cuica' tuu nga cani cayuni ni na Biblia para gaca binnigola.

Guyúbinu ca perla ni ga'chi'

w89-S 15/5 yaza 31 párr. 5
Ni rinabadiidxa' cani ruunda'

Ora guni' apóstol Pablo ca diidxa' ri' cadi cu-sihuinnibe nuube de acuerdu né modo bi'ni' insultárcabe ca binni de Creta o cayúnibe menu raza stica'. Nánnanu dxandi' zacá ni purti' nánnabe nuu stale xpinni Cristu ni ma' bidii Dios laaca' espíritu santu sti', purti' riuula'dxi' ni rúnicabe (Hechos 2:5, 11, 33). Nanda ñuu congregación ndaani' cada guidxi purti' nuu stale xpinni Cristu raqué. Neca cadi perfectu ca xpinni Cristu de Creta, zanda chu'nu segu-ru qué ñacacabe binni ni rusiguii, binni nalá ne nachaaba'; purti' pa ñaca zacá ni la? ma' qué ñuula'dxi' Jíobá modo laacabe (Filipenses 3: 18, 19; Apocalipsis 21:8). Zándaca ndaani' guidxi Creta laaca guyuu binni ni nayá ladxidó' ne qué ñuula'dxi' modo bibani ca binni de guidxi que ne cabézaca' gucaadiágaca' Stiidxa' Dios, cásica rizaaca yanna ndaani' stale guidxi (Eze-quiél 9:4; bichaaga ni né Hechos 13:48).

w08 15/10 yaza 31 párr. 6
Cani naquiíñe' gánnanu de carta ni gucuá ra nuu Tito, Filemón ne ra nuu ca hebreu (Hebreos)

15, 16. Xiñee qué ñabi Pablu Filemón ma' cadi ñaca Onésimo esclavu sti'. Pablu jma gucuá ique gusiidi' binni de «enda runi mandar sti Dios ne stiidxa Señor Jesucristu». Nga runi qué ninabe ñábibe Filemón xipe' naquiíñe' guni ne esclavu sti' (Hech. 28:31).

19-25 DE AGOSTO

CA TESORO ZEEDA LU BIBLIA | HE-BREOS 1-3

«Gannaxhiinu ni jneza ne gaca nanalá'dxi-nu ni cadi jneza»

w14 15/2 yaza 5 párr. 8
¡Gusisácanu Cristu, Rey ni jma nandxó'!

⁸ Lu iza 1914, bi'ni' Jíobá Xiíñi' Rey lu Reinu sti'. Stiidxa' Dios na «ne cetru ni runi mandárne[be]

nga ti cetru ni runi jneza», nga rusihuinni zaca-nebe guirá' xixé binni. Ne nápabe derechu para guni mandarbe, purti' «Dios nga trono sti[be]», o Jíobá nga gulí laabe para gácabe Rey. Ne qué zusaana de guni mandar. Née cadi dxandi' riu'nu nayeche' ra gúninu ni na Rey ni ma' gulí Jíobá ri' la?

w14 15/2 yaza 4 párr. 7
¡Gusisácanu Cristu, Rey ni jma nandxó'!

⁷ Biblia na: «Dios nga trono stilu', ne qué ziuu dxi gusaana de gácabe ni; ne cetru ni runi mandárgelu' nga ti cetru ni runi jneza. Qué hua-saana de gannaxhiilu' ni jneza ne nanalá'dxilu' cosa malu. Nga runi Dios, Dios stilu', ma' gulí lii né aceite ne ziuulu' jma nayeche' que ca xcompañérgulu'» (**Salmo 45:6, 7**). Cumu nabé risaca para Jesús gaca ni jneza ne guizá' nanalá'dxibe ca cosa ni qué rusisaca Bixhózebe la? gulí Jíobá laabe para gácabe Rey lu Reinu sti'. Gulí laabe «né aceite» jma que ca xcompañérgube, ca rey de Judá caní za de David. Ximodo ya'. Primé, Jíobá pe' nga gulí laabe; ne cadi gulí si laabe para gácabe Rey, sínuque laaca gulí laabe para gácabe Xáique sti' caní ruzaaqui' gu'xhu' (Sal. 2:2; Heb. 5:5, 6). Ne gulí Jíobá laabe né espíritu santu ne cadi né aceite, ne guibá' nga nuu Reinu stibe ne cadi Guidxilayú.

Guyúbinu ca perla ni ga'chi'

it-1-S yaza 1211
(Imagen)

¿Née bisihuinni Jesús naca cásipe' naca Bixhoze la?

Primé Xiíñi' Dios, ni beeda gaca hombre biree lá Jesús, naca casi Bixhoze (2Co 4:4). Cumu laabe nga gudxi Dios ca diidxa' ri': «Gúninu binni casi laanu», nga runi dede dxi guya'be nga ná-cabe casi Dios ni bizá' guirá' ni nuu (Gé 1:26; Jn 1:1-3; Col 1:15, 16). Dxi guyuube lu Guidxilayú casi ti hombre perfectu, bisihuinnibe bia' gúnda-ti' ca cualidad ne modo naca Bixhózebe neca nácabe binni guidxilayú, nga runi gunda guni'-be: «Ni ma bíiya naa la? ma bíiya Bixhoze'»

(Jn 14:9; 5:17, 19, 30, 36; 8:28, 38, 42). Ne dxi jmape' bihuinni nácabe casi Bixhózebe nga dxi biásabe de lade gue'tu' ne zebe guibá' ne bidii Jibá Dios laabe «irá xixé ni nuu ibá' ne ni nuu guidxilayú» (1Pe 3:18; Mt 28:18). Cumu bisisaca Dios Jesús ne bidii laabe «ti puestu ni jma risaca» la? bisihuinnibe guendanandxó' sti' Bixhózebe jma que ante gueedabe lu Guidxilayú (Flp 2:9, *TNM*; Heb 2:9). Ne yanna ma' nácabe «casi pe' laa» (Heb 1:2-4, *TNM*).

it-1-S yaza 478 párr. 2

Guibá' (Cielo)

Ca diidxa' ni cá lu Salmo 102:25, 26 caní' ni de Jibá, peru apóstol Pablo bizeete' ca diidxa' cá lu Salmo rí' para guiní' de Jesucristu. Guní'be sicarí' purti' Jesús nga biquiñe' Jibá para bizá' universu ne guirá' ni nuu lu. Apóstol Pablo laa- ca bisihuinni pabiá' gadxé nga Jesús de guirá' cosa ni nuu, purti' guirá' cosa ni nuu zanda gu- topa Dios «guirá' ni casi rutopa binni ti lari» ne zanda cueechú caní pa gacala'dxi' (Heb 1:1, 2, 8, 10-12, *TNM*; bichaaga ni né 1Pe 2:3, *TNM*, nota).

26 DE AGOSTO HASTA 1 DE SEPTIEMBRE

CA TESORO ZEEDA LU BIBLIA | HE- BREOS 4-6

«Gúninu bia' gándati' para chu'nu lu guendariziila'dxi' sti' Dios»

w11 15/7 yaza 24 párr. 3-5

Xii nga guendariziila'dxi' sti' Dios

³ Nu chupa razón ni racané laanu gánnanu ze- ru' gadxe gubidxa que tiempu bibani Jesús ne ca discípulo sti'. Primé razón ca ridxélanu ni lu ca diidxa' gudxi Jesús ca binni ni caní' qué runi respetarbe sábadu, dxi nexhe' guiziila'dxi' binni. Laacabe guní' íquecabe cadí jneza ngue runi Jesús milagru dxi sábadu, purti' ley ni gucuua Moisés que na cadí naquiñe' gaca dxiiña' dxi que. Peru guidú'yanu xi bicabi Jesús laacabe: «Dede yanna cayuni Bixhoze dxiiña' ne naa laca

cayune'» (Juan 5:16, 17). Yanna, xii nga racala'- dxi' Jesús guiene ca binni que ora guní': «Dede yanna cayuni Bixhoze dxiiña'» ya'. Zeeda gácani casi ora ñabi Jesús laacabe: «Naa ne Bixhoze' cayúnidu ti dxiiña' si. Bixhoze' cayúniru' dxiiña' sábadu sti', ni ma' bindaa mil de iza, nga runi cadí cucheedíá' nga gune' dxiiña' dxi sábadu». Né ca diidxa' ca bisiene Jesús zeru' gadxe gubi- dxa que, dxi caziila'dxi' Jibá, para ganda guni ni ma' gudixhe ique para binni ne para Guidxi- layú.

⁴ Guiropa razón ca ridxélanu ni lu ca diidxa' ni gudxi Jibá Pablu guiní'. Ora caní' apóstol que de guendariziila'dxi' sti' Dios ne ante guzeetebe de Génesis 2:2, bicaabe ca diidxa' rí': «Laanu ma ucuaa nu stiidxa Dios, nga runi *ziu' nu ra chi udii laanu para iziila'dxi nu*» (Heb. 4:3, 4, 6, 9). Ca diidxa' ca rusihuinnicani ca'ru' guiluxe gadxe gubidxa que tiempu nuucabe que. Yanna, padxí nga guiluxe dxi caziila'dxi' Dios ca ya'.

⁵ Para gánnanu padxí guiluxe gadxe gubidxa ca la? naquiñe' gánnanu xi pur gudixhe Dios ni. Génesis 2:3 cayabi laanu xi pur gudíxhebe ni, racá na: «Ora biuu Dios lu gadxe gubidxa que guluube ndaaya' ni ne *bisisácabe ni*», nga nga razón ca. Jibá bisisaca dxi ca purti' guleebe ni para ti dxiiña' nabé risaca: gúnibe ni maca gudi- xhe íquebe para Guidxilayú rí'. Xii nga ni gudixhe íquebe ya'. Guidxá Guidxilayú rí' de binni *ni ru- zuuba' diidxa'* ni gapa ni ne gapa guirá' clase mani' chu' luni (Gén. 1:28). Pur nga «dede yanna cayuni [Jibá ne Jesús] dxiiña'», ne Jesucristu nga na Biblia «Hombre [ni riní'] xii nga jneza guni [binni] dxi enda riziila'dxi'» (Mat. 12:8). Nga runi, dxi caziila'dxi' Dios ca zalúxeni dede ora ma' gaca ni maca gudixhe ique Dios para Gui- dxilayú rí'. Padxí gaca nga ya'. Ora guiluxe ti mil iza chiguni mandar Cristu.

w11 15/7 yaza 25 párr. 6

Xii nga guendariziila'dxi' sti' Dios

⁶ Jibá bisiene chaahui' Adán ne Eva xii ngue naguixhe íquebe gúnibe, peru laacabe qué ninácabe ñacanécabe laabe. Ne bia' dxi

huabani binni lu Guidxilayú ri', millón de laaca' huayúnica' cásica bi'ni' Adán ne Eva. Dede né guidxi Israel bi'ni' zacá, neca gúcaca' ti guidxi ni gulí Dios. Despué gudixhená Pablu ca primé xpinni Cristu, purti' zándaca gueeda guchee chupa chonna de laaca'. Sicari' bicaabe ra nuuca': «[Gúninu stipa] para ganda chu' nu ra chi iziila'dxi nu, ne cadi [gácanu casi] ca binni ni qué nuzuuba stiidxa Dios que» (Heb. 4:11). Lu ca diidxa' ca bisihuinni apóstol ri' qué riuu di' binni lu guendariziila'dxi' sti' Dios ora qué ru-zuuba' diidxa'. Peru laaca caguixhenácani laanu. Xi zazaacanu pa qué gacanenu Dios para gaca ni maca gudixhe ique ya'. Ñee qué ziu'nu lu guendariziila'dxi' sti' Jíobá pa qué gacanenu laa la? Naquiiñepe' nga guiní ique chaahuinu cani gunabadiidxanu ca. Ne zacané tema ri' laanu para guiní íquenu de laani. Peru primeru guidú'yanu xii nga ni cadi jneza bi'ni' ca israelita ne xiñee qué ñuucabe lu guendariziila'dxi' sti' Dios.

w11 15/7 yaza 28 párr. 16, 17

Xii nga guendariziila'dxi' sti' Dios

¹⁶ Ca dxi stinu ri', nin tobi de laanu qué zadi'di' ndaani' ique naquiiñe' chinanda ni na Ley ni gu-cuaa Moisés para ganda guilá. Nabé nayaguie' modo bisiene Pablu ni lu carta ni bicaa ra nuu ca binni de Éfeso ora guní: «Pur enda nacha'-hui stibe bilá be laatu, ne bi'ni be ni purti bini cre tu, ne cadi pur xiixa ni bi'ni tu, sínuque de laabe zeeda ni. Iruti qué zalá pur ni guni, ti qué chu' tu udxiiiba laca laa» (Efe. 2:8, 9). Yanna, xi naquiiñe' gúninu pa racalá'dxinu chu'nu lu guendariziila'dxi' sti' Dios ya'. Guietenalá'dxinu chiguni Jíobá xiixa nabé risaca dxi guleebe para guiziilá'dxibe que. Xi chigúnibe ya'. Chigúnibe ni maca gudixhe íquebe para Guidxilayú ne para binni. *Nga runi, para ganda chu'nu lu guendariziila'dxi' sti' Jíobá la? naquiiñe' guzú'banu stiidxabe ne chinándanu ni cayabi xquídxibe laanu para gaca ni maca gudixhe íquebe.*

¹⁷ Qué chu' dxi guiní íquenu qué risaca ca conseju ni zeeda lu Biblia ni rudii mozo ni nuu

xpiaani' laanu ne cadi chinándanu modo ri-ni' íquesinu. Pa gúninu zacá la? zusuhiúnninu qué racalá'dxinu gacanenu gaca ni ma' gudixhe ique Jíobá ne zusaana de gaca xhamígunu laabe. Yanna, xii nga ca guendanagana ni zándaca gucueeza laanu de guzú'banu diidxa' ya'. Lu sti tema ca zadú'yanu caadxi de laacani ne laaca zadú'yanu ximodo rusihuinni cani riguixhe íque-nu gúninu pa ma' biu'nu lu guendariziila'dxi' sti' Dios.

Guyúbinu ca perla ni ga'chi'

w16.09 yaza 13

Ni rinabadiidxa' cani ruunda'

Xii nga Stiidxa' Dios ni nabani ne napa poder, ni rieete' lu Hebreos 4:12.

■ Ca diidxa' ni cá ra zeeda versículo ca rusihuinni cani caní apóstol Pablu de ni gudixhe Dios guni casi zeeda ni lu Biblia.

Stale biaje reeda Hebreos 4:12 lu ca publicación stinu para gusiene cani napa Biblia poder para guchaa xquendanabani binni. Ne dxandí ni. Peru naquiiñe' guiene chaahuinu ca diidxa' cá ra zeeda versículo ca. Ni cayabi Pablu ca xpinni Cristu ni riní diidxa' hebreu que nga guirá' ni gúnica' gaca ni casi naguixhe Dios. Stale de laacani maca zeeda lu xqui'chi' Dios tiempo que. Bizeete' Pablu ejemplu sti' ca israelita ni biree de Egipto dxiqué. Gúpacabe esperanza ziuucabe lu layú bidii stiidxa' Dios laacabe guicaacabe, ti layú ra ridá «leche ne dxiña yaga». Raqué nga zadxélaacabe ti lugar ra dxandipe' zaziilá'dxicabe (Éxodo 3:8; Deuteronomio 12:9, 10).

Ngue nga ni guní Dios naguixhe guni. Peru despué biquidxi ca israelita que ladxido'ca' ne qué ñápaca' fe. Ngue runi, stale de laaca' ma' qué ñanda ñuuca' lugar ra niziiilá'dxica' (Números 14:30; Josué 14:6-10). Peru Pablu bizeete' laaca ma' bidii stiidxa' Dios chu'nu ti lugar ra guiziilá'dxinu (Hebreos 3:16-19; 4:1). Rihuinni dxíchica zeeda ni bidii stiidxa' Dios ri' *lade* cani ma' guní chiguni. Cásica ca xpinni Cristu ni riní diidxa' hebreu que, zanda guizí'dinu de ni naguixhe

Dios chiguni ne guirá' ni gúninu gaca cani casi naguixhe Dios. Para gulu' Pablu lu Stiidxa' Dios nga zeeda ca diidxa' que la? bizeetebe ni na Génesis 2:2 ne Salmo 95:11.

Nabé riguixhedxí ni guní' Pablu ca ladxido'no: laaca ma' bizabiruaa Dios chu'nu ti lugar ra guiziilá'dxinu. Nuunu seguru zanda chu'nu lugar ra guiziilá'dxinu ne cayúninu stipa pur guiu'nu lugar ca. Cayúninu ni cadí purti' nuunu chinándanu Ley gucuua Moisés o purti' racalá'dxinu chuu-la'dxi' Jibá ni rúninu. Pur fe ni nápanu nga huayúninu casi naguixhe ique Dios ne qué zusaananu de gúninu ni né gana. Ne casi bizé'tenu ora bizulunu que, lu guidubi Guidxilayú, mil binni ma' bizulú cayuni estudiar Biblia ne ma' caziidica' xi naguixhe ique Dios guni. Stale de laacabe ma' cuchaa modo nabani, cayápaca' fe ne ma' cayuunisaca'. Ndi' rusihuinni dxandí' nabani Stiidxa' Dios ne napa ni poder. Mensaje sti' Dios ni zeeda lu Biblia, ma' huayacané cani laanu ne zacaneru' cani laanu.

it-1-S yaza 851 párr. 1

Esperanza

Esperanza ni napa cani «ma' guleechú Dios» para che' guibá' (Heb 3:1) ne guicaaca' ti guendanabani ni qué ziuu dxi guiluxe ne ti espíritu ni qué ziuu dxi guinitilú, dxandí' ni ne zanda guni crenu dxandí' zaca ni. Zanda guni crenu ni pur chupa razón: purti' Dios pe' bí'ni' prometer ni ne bí'ni' jurar zaca ni, ne laa qué rusiguii. Ne laaca zanda guni crenu ni pur Jesús purti' yanna ma' nuu guibá' ne qué ziuu dxi gati'. Nga runi lu Biblia ná: «Naaze dxiichi' esperanza ri' xpídanu, cásica rinaaze dxiichi' ti ancla barcu ne nánnanu zaca cumplir ni, ne zacané esperanza ri' laanu tídinu ra nanda cortina [casi riuu sumo sacerdote que ndaani' Santísimo dxi rixá stonda binni], ra ma' gudí'dí' Jesús ne ma' bixhélebe ti neza ne ma' bí'ni' chaahuibe ni para gacanebe laanu, ne qué ziuu dxi gusaana de gá-cabe sumo sacerdote casi Melquisedec» (Heb 6: 17-20, *TNM*).

